

Bariba - Faaba Gusunon Gari - Salvation Scriptures

Efesu 2:2 I ra raa handunian kom kõ sum kpuro ko, ma i hunde kõ si yi yi wãa wollon wirugii wiru kpïya wi u sãa hunde ye ya sãmburu mò sere ka të tõn be ba kun Gusunon mém noowammén gõ ruo.

Mateu 6:10 A na a bandu swii. A de bu wunen kíru ko tem sôc mini, nge me ba mò wollo.

Luku 22:42 U nêe, Baaba à n kí, a de wahala ye, yu man desirari. Adama a de wunen kíru tu koora, n ñ mo negiru.

Yohanu 16:7-9 Ka me, na bëe gem sôcõm, bëen arufaaniwa nà n da, domi nà kun de, Dam Këo wi, u ñ sisi bëen mi. Adama nà n da kon bëe nùn góriama. 8 ù n tunuma, wiya u koo de handuniagibu bu tubu ye n sãa toraru ka ye n sãa gem ka maa Gusunon siribu. 9 U koo bu taare wë yèn sô ba ñ man naanë doke.

2 Timote 2:10 Yenin sô na na kpuro kpïa be ba gôsan arufaanin sô, kpa ben tii bu maa faaba wa Yesu Kirisin mi ka yiiko ye ya ku ra kpe.

Romu 15:20,21 Ma na kookari kua n ka Labaari gea noçia mi ba ñ daa Kirisin yîsiru sokure, kpa n ku ka bani gabun kþeekþeeku wollo. 21 Adama nge me ba yorua, "Bèn mi ba ñ daa win gari gerure, ba koo yam wa. Be ba kun daa maa win baaru noçre, n ko n bu yeeri."

Górobun Kookoosu 2:36,37 Yen sô na n weene Isireliba ba n yë kam kam ma Yesu wi, wi bëe i kpare dãa bunanaru wollo, Gusunon u nùn kua Yinni ka maa Kirisi. 37 Ye tõn be, ba yeni nua, ben gõ rusu bu taare wë, ma ba Piëe ka góro be ba tie bikia ba nêe, bësegibú, mba sa ko ko.

Heberu 4:2 Domi ba sun Labaari gea waasu kua nge me ba bu kua be ba gaso wãa gbaburu sôc. Ba gari yi nua, adama yi ñ bu arufaani gaa kue domi sanam me ba yi nua, ba ñ yi naanë doke.

Yeremi 24:7 Kon bu gôru kpôo wë, kpa bu già ma nena na sãa kpuron Yinni. Ba koo wurama nén mi kpa ba n sãa nén tõmbu ba n man sãamõ.

Górobun Kookoosu 16:14 Kurô goo wãa mi, wi ba mò Lidia Tiatiragii, wi u ra beku gobiginu dore ni ba wõ kua. U maa Gusunon bëere yë. U swaa daki ma Yinni Gusunon u win gõ ru wukia u ka Pôlun gari naanë doke.

Mateu 13:14,15 Nge meya gari yi Esai u gerua ben sô yi sôcísramõ, ye u nêe, "I ko n noçomõ ka gem, adama n ñ koo bëe yeeri. I ko n meérímõ adama i ñ ko i wa. 15 Domi tõn benin gôru ga ñ biti mo. Ba ben tiin swaa kôrúa, ba nóni yinwa. Kpa bu ku wa ka ben nóni. Kpa bu ku nô ka ben swaa. Kpa bu ku già ka ben bwisi. Kpa bu ku raa ka gôsirama nén mi n ka bu békia."

Esai 6:9,10 Ma u man sôcwa u nêe, ñ n mén na, n doo n Isireliba gari yini sô n nêe, wee ba ko n da kasu bu win gari nô, adama ba ñ yi noçomõ. Ba ko n da kasu bu wa, adama ba ñ gãanu wasi. 10 N de tõn ben gôru gu bôbia, kpa bu swaa taaya bu ku raa gari nô. N ben nóni wõkuo bu ku raa ka yam wa, kpa bu

ku raa gōru gōsia bu faaba wa.

Maaku 4:11,12 U bu sōwa u nēe, bēeyya Gusunō u win bandun asiri sōsi, adama be ba tie ba gari kpuro nōōmō ka mōnnu, 12 kpa "Bu ka mēeri ba kun wa. Bā n maa nua, kpa n ku bu yeeri, kpa bu ku raa ka gōru gōsie, Gusunō u sere bu suuru kua."

Yohanu 12:39,40 Yenin sō na ba ñ kpīa ba naanē doke domi Gusunōn sōmō Esai u kpam gerua u nēe, 40 "Gusunō u bu kua wō kōbu ma u ben bwisi kawa. Kpa bu ku raa ka ben nōni yam wa. Kpa bu ku gia ka ben bwisi. Bu ku raa gōru gōsia, kpa n bu bēkia."

Romu 11:7,8 ñ n mēn na, mba sa ko gere. Isireliba wee, ba ñ wa ye ba kasu.

Ben be Gusunō u gōsa, beya ba wa. Be ba tie ba gōru bōbia. 8 Nge mē ba yorua, "Gusunō u ben laakari sikarisia. U bu nōni wē yi ba ñ kpē bu ka yam wa. U maa bu swasu wē si ba ñ kpē bu ka gari nō sere ka gisō."

2 Tesalonika 2:10,11 U koo maa bu nōni wō ke bu ka kom kō sum ko, be ba koo kam ko yēn sō ba yina bu gem kīa mē mu koo bu faaba ko. 11 Yenin sō na Gusunō u koo de gāa damginu ganu nu bu torasia bu ka weesu naanē ko.

Mateu 13:18-23 Ma Yesu u nēe, tē i mōn ten tubusianu nōōwō tē ta ka bwese yēko yā mi. 19 Be ba Gusunōn bandun gari nōōmō ma yi ñ bu yeeri, ba ka swaa baaru weenē mi bwese te, ta wōri. Tōn kōso wi, u ra nē u wuna ye ba duura ben gōruō. 20 Gaba maa ka kpee saaran tem mē weenē mi bwese ten gara wōri. Ba gari yi nōōmō, mii mii ba yi mwaamō ka nuku dobu. 21 Adama ba ñ derimō yi gbini ko ben gōruō. Ma ba ñ yōramō n ka tē. Sanam mē wahala ñ kun mē nōni swāara tunuma gari yin sō kpa bu biru wura yande. 22 Gaba maa bwese te mwa nge tem sākunugum sōo. Ba gari yi nua adama handunian wāarun wururabu ka gobin nōni wōkubu bu gari yi tēesi, yi ñ maa binu mara. 23 Gaba maa bwese te mwa nge tem gem sōo. Beya be ba gari yi nōōmō ma yi bu yeerimō. Ma ba binu marumō gabu wunōbu (100), gabu wata, gabu tēna.

2 Korinti 3:15,16 Sere ka gisō mam, bā n Mōwisin tirenu garimō, sōnditia ye, ya ra n ben bwisi berumōwa. 16 Adama nge mē Gusunōn gari gerumō, "Sanam mē tōnu u Yinni wuswaa kisi, sōnditia ye, ya ra wunarewa."

Esai 30:28 Win mōrun wēsiaru ta sāawa nge daaru te ta nim yiba ta tōnu mwēs sere wīirō, u ka tōmbu kam koosia, ma ta sāa nge yaruka ben nōsō u ka bu da mi ba ñ kī.

Osee 11:3-7 N deema nēna na bu kpare, na ben nōma nēni. Adama ba ñ tuba ma nēna na bu nōōrimō. 4 Na bu gawama nēn mi ka kīru ma na bu dīānu wē nge wi u yaa sabenun sugu yīiyamō u ka nu nōōri. 5 Adama ba yina bu na nēn mi. Yen sōna na nēe, ba koo da Egibitio kpa Asirigii u ko ben sunō. 6 Ba koo ben wusu tabu wōri, kpa bu ben dāmgibū kōsuku yēn sō ba ben tiin kpunaa swīi. 7 Wee nēn tōmbu ba yōrari bu ka man tonda. Ba bu soka bu gōru gōsia bu wurama nē, Wōrukoon mi. Adama ben goo kun wure.

Gōrobun Kookoosu 26:18 Domi sina boko Agiripa u gari yin asansi yē. Na maa

ka nùn gari mò ka toro sindu yèn sõ na yẽ ma yen gee kun nùn berue, domi gari yi, yi ñ koore gbenum.

2 Timote 2:24-26 Wee n ñ weene Yinnin sõm kowo u n sãa nõõ gõmunugii, adama u tõmbu kpuro daa gea kuo, u n sãa wi u koo keu sõõsibu kpõ kpa u n da tèmane. 25 N weene u be ba kun ka nùn nõõ tia sãa gerusi tæeru. Sõrokudo Gusunõ u koo de bu ben gõ ru gõsia kpa bu gem gia. 26 Sanam meya ben laakari koo wurama kpa bu kisira Setam yinan di wi u raa bu neni u toorimõ win gõ ru kĩru sõõ.

Kãsiru 3:17-19 U gerumõ u mò, u sãa atasiri, u kua dukiagii, u ñ gãanun yãaru mõ. Adama na nùn sõõmõ, wi, gõ ru garin barõwa, ka wõnwõndo, ka masaasi ka wõ ko ka tererugii. 18 Yen saabuwa na nùn bwisi kẽmõ, u de u wura dwe nen mi ye dõõ sõõnwa, kpa u ka ko dukiagii. U maa kpam yãa kpikinu dweo ni u koo ka win tereru bere kpa u kun maa sekuru mò. U kpam maa nõnin tibu dweo u doke kpa u yam wa. 19 Be na kĩ kpuro beya na ra nõni doke kpa n bu sëeyasia. Yen sõ, u hania koowo kpa u gõ ru gõsia.

2 Korinti 7:10 Domi nuku sankira ni Gusunõ u dendimõ nu ra dewa tõnu u daa kõsi kpa u faaba wa. Ma nin bwesera ku ra n nà n daa yẽ mõ. Adama handunian nuku sankirana nu ra gõõ ma.

1 Sinambu 18:37 A man wisio Yinni Gusunõ, a man wisio, kpa tõn be, bu gia ma wuna a sãa kpuron Yinni, wuna kaa de bu ben gõru gõsie wunen mi.

2 Korinti 4:4 Ba ñ naane doke yèn sõ handunia yen yinni u ben wiru go. U bu yam ganua bu ku ka Labaari gean yam bururam wa më mu Kirisin yiiko sõõsimõ. Labaari gea ye, Kirisigia wi u sãa Gusunõ, wasi sõõ.

Luku 8:11-15 Yesu u nõõ, yeniwa mõn ten tubusianu. Gusunõn gariya ba yẽkamo. 12 Swaa baaru ta sääawa nge tõn be ba ra yi nõ, kpa Setam yu na yu yi wuna ben gõ run di bu ku raa ka naane doke kpa bu faaba wa. 13 Kpee saara ya sääawa nge tõn be ba ra gari yi mwë ka nuku dobu sanam më ba yi nõõmõ, adama ba ñ gbini mõ. Ba ra naane dokewa saa fiiko sõõ, kpa bu biru wura laakari mæribun sanam. 14 Tem mi sãki wää mu sääawa nge tõn be ba ra yi nõ, adama nge më ba dõõ, wururabu ka dukia ka handunian dobu ra yi sëke yi go, ben binu ku ra ye. 15 Tem gem mu maa sääawa nge tõn be ba ra gari yi ba nua nene ben gõ ru geu sõõ ka nuku tia, ma ba binu marumõ ka temanabu.

Gõrobun Kookoosu 15:11 Sa naane sää ma sa faaba wa Yinni Yesun durom sõ nge më ben tii ba wa.

Romu 8:13 Be ba ben daan wääru wää, ya ñ kooro bu Gusunõ wẽre.